

## Launavernd – Hópsjúkra- og slysatrigging

### Vátryggingarsamningurinn

Í vátryggingarskilmálum þessum eru hugtökin félagið, vátryggingartaki og vátryggður notuð í sömu merkingu og í lögum um vátryggingarsamninga nr. 30/2004, sbr. 62. gr. laganna.

**Um vátryggingu þessa gildir það sem fram kemur í:**

- Vátryggingarskírteini
- Vátryggingarskilmálum, þ.e.:
  - hugsanlegum sérskilmálum, sem koma fram í vátryggingarskírteini
  - skilmálum þessum
- Lögum nr. 30/2004 um vátryggingarsamninga.

Vátryggingarskírteinið hefur að geyma nánari ákvæði vátryggingarsamningsins sem ekki koma fram í skilmálum þessum. Sérskilmálar í vátryggingarskírteini útvíkka, takmarka eða afmarka nánar gildissvið vátryggingarinnar umfram það sem kemur fram í skilmálum þessum. Að öðru leyti en fram kann að koma í sérskilmálum gilda ákvæði skilmála þessara um vátrygginguna.

Í tilvikum þar sem ákvæðum um sama efni ber ekki saman gilda ákvæði í vátryggingarskírteini og endurnýjunarkvittun framar ákvæðum vátryggingarskilmála og sérskilmálar ganga framar almennum skilmálum, þó þannig að sértækar reglur ganga ávallt framar almennum. Ákvæði í vátryggingarskírteini, endurnýjunarkvittun og skilmálum ganga framar frávikjanlegum lagaákvæðum.

### Tjónagrunnur

Tilteknar upplýsingar um tjón sem tilkynnt eru í trygginguna eru færðar í tjónagrunn sem Samtök fjármálafyrirtækja reka samkvæmt sérstöku leyfi frá Persónuvernd. Sjóvá-Almennar tryggingar bera ábyrgð á vinnslu upplýsinganna en Creditinfo er vinnsluaðili þeirra. Tilgangur vinnslu upplýsinga í tjónagrunninum er að stemma stigu við tryggingarsvikum og koma í veg fyrir ofgreiðslu tryggingarbóta. Þessar upplýsingar eru skráðar í tjónagrunninn:

- Kennitala tjónþola
- Númer máls hjá félaginu
- Tegund tryggingar
- Tegund tjóns
- Dagsetning tjóns
- Dagsetning skráningar í grunninn
- Nafn viðkomandi vátryggingarfélags
- Staðsetningu tjóns
- Einkvæmt númer þess tryggða, s.s. ökutækis.

Starfsmenn tryggingafélaga sem starfa að tjónauppgjöri hafa einir aðgang að upplýsingum í grunninum. Upplýsingunum verður eytt þegar ekki er lengur þörf fyrir þær í þágu tilgangs vinnslunnar, í síðasta lagi þegar tíu ár eru liðin frá skráningu.

## Efnisyfirlit

2. gr.	Upphaf ábyrgðar félagsins .....	3
3. gr.	Vátryggingarsvið.....	3
4. gr.	Takmarkanir á bótaskyldu .....	3
5. gr.	Réttthafi til greiðslu bóta .....	3
6. gr.	Iðgjaldið - gjalddagi - vanskil - uppgjör við slit samnings á vátryggingartímabilinu .....	4
7. gr.	Aldurstakmörk .....	4
8. gr.	Brot á upplýsingaskyldu - svik og rangar upplýsingar.....	4
9. gr.	Gildistími – endurnýjun – réttur til uppsagnar .....	4
10. gr.	Vátryggður veldur vátryggingaratburði .....	5
11. gr.	Brot á varúðarreglum.....	5
12. gr.	Ráðstafanir vegna slyss eða sjúkdóma .....	5
13. gr.	Vátryggingarfjárhæðir.....	5
14. gr.	Gagnaöflun og greiðsla kostnaðar:.....	5
15. gr.	Greiðslur bóta.....	6
16. gr.	Lok vátryggingar gagnvart þátttakanda í hópi .....	6
17. gr.	Breytingar á skilmálum .....	6
18. gr.	Réttur félagsins til uppsagnar á vátryggingartímanum .....	6
19. gr.	Frestur til að tilkynna um tjón .....	6
20. gr.	Fyrning .....	7
21. gr.	Ágreiningur .....	7
22. gr.	Varnarþing.....	7
23. gr.	Vernd persónuupplýsinga.....	7

## 2. gr. Upphaf ábyrgðar félagsins

Vátryggingartaki og vátryggður sbr. 1. mgr. 1. gr. skulu gefa félaginu upplýsingar um áhættuna eftir því sem félagið kann að gera kröfu um hverju sinni.

Ábyrgð félagsins gagnvart þeim hópfélögum sem rétt eiga á vátryggingarvernd hefst þann dag sem tilgreindur er í samningnum.

## 3.gr. Vátryggingarsvið

Dagpeningar vegna sjúkdóms eða slyss vátryggðs.

Vátrygging þessi greiðir dagpeninga, ef vátryggður verður óvinnufær sökum sjúkdóms eða slyss

Með orðinu “óvinnufærni” er átt við, að vátryggður hafi misst starfsorku sína þannig að honum er ókleift að vinna störf sín að öllu leyti eða að hluta. Skilyrði fyrir greiðslu dagpeninga er að vátryggður hafi verið full vinnufær óslitið í 3 mánuði áður en sjúkratímabil hófst.

Dagpeningar greiðast frá þeim tíma sem launatekjur falla niður en þó aldrei fyrr en að loknum þeim biðtíma sem tilgreindur er í samningi um hóptrygginguna/vátryggingarskírteini. Greiðslu dagpeninga lýkur þegar vátryggður hefur endurheimt starfsorku sína þó aldrei lengur en í þann tíma sem tilgreindur er í samningi um hóptrygginguna. Tímabil þetta er nefnt bótatími.

Dagpeningar greiðast í hlutfalli við starfsorkumissinn en fjárhæð þeirra vegna algjör (100%) starfsorkumissis er ákveðið hlutfall af meðallaunum vátryggðs síðustu 6 mánuðina áður en launatekjur féllu niður, en hlutfall þetta kemur fram í samningi um hóptrygginguna. Útreiknuð meðallaun geta aldrei orðið hærri en réttur vátryggðs til launa samkvæmt ráðningarsamningi.

Skilyrði fyrir greiðslu fullra dagpeninga er að vátryggður hafi verið vinnufær óslitið í 12 mánuði áður en nýtt sjúkratímabil hófst en það er það tímabil þegar stöðugur starfsorkumissir er fyrir hendi af völdum slyss eða sjúkdóms. Hafi vátryggður verið óvinnufær hluta tímabilsins lækka bætur hlutfallslega sem því nemur. Enda þótt starfsorkumissir vátryggðs sé ekki algjör reiknast hver dagur á bótatíma sem heill dagur.

Dagpeningar greiðast aðeins fyrir þann hluta bótatímans sem ráðningarsamningur milli vátryggingartaka og vátryggðs gildir.

## 4. gr. Takmarkanir á bótaskyldu

Félagið bætir ekki:

- Slys eða sjúkdóma er vátryggður verður fyrir í handalögmáli eða við þátttöku í refsiverðum verknaði, nema sannað sé að ekkert samband hafi verið milli ástands þessa og slyssins eða sjúkdómsins.
- Starfsorkumissi sem kona verður fyrir á meðgöngutíma, við fæðingu eða fósturlát, nema því aðeins að missir starfsorkunnar sé af völdum fylgikvilla.
- Bætur eru ekki greiddar fyrir sjúkratímabil sem hefst eftir að vátryggingin féll úr gildi.
- Slys eða sjúkdóma sem beint eða óbeint eru af völdum kjarnabreytingar, jónandi geislunar, mengunar af geislavirkum efnum, kjarnaeldsneytis og kjarnaúrgangsefnis eða af völdum styrjaldar, innrásar, hernaðaraðgerða, borgararósta, uppreisnar, uppþots eða svipaðra aðgerða. Sama gildir um slys eða sjúkdóma sem beint eða óbeint eru af völdum jarðskjálfta, eldgoss, flóða, skriðufalla eða annarra náttúruhamfara.
- Slys eða sjúkdóma sem verða vegna, lækningameðferðar, skurðaðgerðar eða lyfjanotkunar, nema það sé að læknisráði vegna bótaskylds slyss eða sjúkdóms.
- Slys eða sjúkdóma af völdum hryðjuverka vegna hvers konar líffræðilegra eða efnafræðilegra áhrifa og/eða eitrunar, þ.m.t. vegna sýkla og veira.

## 5. gr. Rétthafi til greiðslu bóta

Um rétt til greiðslu bóta fer samkvæmt samningi um vátrygginguna milli vátryggingartaka og félagsins.

**6. gr. Iðgjaldið - gjalddagi - vanskil - uppgjör við slit samnings á vátryggingartímabilinu****Iðgjaldið**

Iðgjald reiknast á grundvelli gildandi samnings félagsins og vátryggingartaka um vátryggingarverndina. Fyrsta iðgjald fellur í gjalddaga þann dag sem vátryggingin tekur gildi. Síðari iðgjöld falla í gjalddaga á fyrsta degi hvers endurnýjunartímabils. Greiðslufrestur skal vera einn mánuður hið skemmsta frá þeim degi sem félagið sendi tilkynningu um greiðslu til vátryggingartakans.

Vátryggingartaki sér um greiðslu iðgjalda til félagsins. Krafa um greiðslu iðgjalds verður send vátryggingartaka á það heimilisfang, sem hann hefur tilkynnt félaginu. Sending tilkynningar eða greiðsluseðils jafngildir kröfu um greiðslu.

Breytingar á heimilisfangi skal tilkynna félaginu þegar í stað.

**Vanskil**

Sé iðgjald ógreitt þegar greiðslufresti lýkur, getur félagið sent nýja tilkynningu þar sem greiðslu er krafist innan 14 daga. Sé iðgjald ekki greitt innan 14 daga frá dagsetningu þeirrar tilkynningar fellur vátryggingin þegar niður, sbr. 96. gr. laga nr. 30/2004.

Um tilkynningaskyldu félagsins við lok vátryggingarinnar fer samkvæmt reglum 131. gr. laga nr. 30/2004.

**7. gr. Aldurstakmörk**

Vátryggingarvernd hvers einstaks vátryggðs fellur niður þegar þeim aldursmörkum er náð sem segir í samningi um hóptrygginguna.

**8. gr. Brot á upplýsingaskyldu - svik og rangar upplýsingar****Upplýsingar um áhættuna**

Hafi vátryggingartaki eða vátryggður sviksamlega vanrækt upplýsingaskyldu sína um atvik sem haft geta þýðingu fyrir mat félagsins á áhættu og vátryggingaratburður orðið ber félagið ekki ábyrgð, sbr. 1. mgr. 83. gr. laga nr. 30/2004.

Hafi vátryggingartaki eða vátryggður með öðrum hætti vanrækt upplýsingaskyldu sína í þeim mæli að ekki telst óverulegt fellur ábyrgð félagsins niður í heild eða að hluta, sbr. 2. mgr. 83. gr. laga nr. 30/2004.

**Upplýsingar við uppgjör bóta**

Sá sem við tjónsuppgjör veitir af ásetningu rangar eða ófullnægjandi upplýsingar við uppgjör bóta glatar öllum rétti á hendur félaginu samkvæmt þessum og öðrum vátryggingarsamningum vegna hins tiltekna vátryggingaratburðar, sbr. 2. mgr. 120. gr. laga nr. 30/2004. Í slíkum tilvikum getur félagið sagt upp öllum vátryggingarsamningum sínum við viðkomandi með einnar viku fyrirvara.

**9. gr. Gildistími – endurnýjun – réttur til uppsagnar****Gildistími**

Sé ekki annað ákveðið í lögum eða samningi tekur vátryggingin gildi á þeim degi, sem samningur um vátrygginguna er gerður, það er þegar félagið eða vátryggingartaki hefur samþykkt tilboð hins. Vátryggingin gildir fyrir það tímabil sem tilgreint er í vátryggingarskírteini eða iðgjaldskvittun.

**Endurnýjun og uppsögn**

Vátrygging, sem gildir í eitt ár eða lengur, er endurnýjuð fyrir eitt ár í senn, nema vátryggingartaki hafi tilkynnt félaginu um að hann vilji segja vátryggingarsamningnum upp. Vátryggingartaki getur sagt vátryggingunni upp skriflega með mánaðar fyrirvara hvenær sem er á vátryggingartímabilinu og miðast uppsögn við næstu mánaðarmót þar á eftir. Eigi uppsögn að miðast við endurnýjun vátryggingarinnar skal tilkynning um uppsögn berast félaginu í síðasta lagi tveimur vikum fyrir lok vátryggingartímabilsins. Hafi vátryggingartaki ekki lengur þörf fyrir vátrygginguna eða fyrir hendi eru aðrar sérstakar ástæður sem réttlæta uppsögn, getur hann þó sagt

vátryggingunni upp með skriflegri tilkynningu til félagsins án sérstaks fyrirvara, sbr. 2. mgr. 14. gr. eða 3. mgr. 75. gr. laga nr. 30/2004.

Þegar vátrygging er tekin vegna atvinnurekstrar, þar sem umfang rekstraraðila samsvarar fleiri en fimm ársverkum eða starfsemi fer að mestu leyti fram erlendis, getur vátryggingartaki aðeins sagt vátryggingunni upp við endurnýjun hennar og skal uppsögn í síðasta lagi hafa borist félaginu einum mánuði fyrir lok vátryggingartímabilsins.

Ef félagið hyggst ekki framlengja vátrygginguna skal tilkynna vátryggingartaka það í síðasta lagi tveimur mánuðum áður en vátryggingartímabilið er á enda. Félagið getur gert breytingar á vátryggingarskilmálum og iðgjaldi vátryggingarinnar. Slíkar breytingar taka gildi frá næstu endurnýjun vátryggingarinnar eftir að tilkynning um þær er send.

## 10. gr. Vátryggður veldur vátryggingaratburði

### Ásetningur

Hafi vátryggður af ásetningi valdið því að vátryggingaratburður varð ber félagið ekki ábyrgð, sbr. 89. gr. laga nr. 30/2004.

### Stórkostlegt gáleysi

Hafi vátryggður valdið því af stórkostlegu gáleysi að vátryggingaratburður varð eða afleiðingar hans urðu meiri en ella hefði orðið má lækka eða fella niður ábyrgð félagsins, sbr. 1. mgr. 90. gr. laga nr. 30/2004.

## 11. gr. Brot á varúðarreglum

Varúðarreglur eru háttarnisreglur sem settar eru í því skyni að koma í veg fyrir og takmarka tjón. Það er forsenda fyrir því að veita vátrygginguna að settum varúðarreglum sé ávallt fylgt.

Hafi vátryggður af stórkostlegu gáleysi valdið því að vátryggingaratburður varð með því að hlíta ekki varúðarreglum eða öðrum fyrirmælum í vátryggingarsamningi má lækka eða fella niður ábyrgð félagsins, sbr. 1. mgr. 90. gr. laga nr. 30/2004.

## 12. gr. Ráðstafanir vegna slyss eða sjúkdóma

Sá sem vátryggður er skal leita læknis strax eftir að slys eða sjúkdóm hefur borið að höndum, gangast undir nauðsynlegar lækniáðgerðir, og fara í öllu að fyrirmælum læknis.

Tilkynna skal slys og sjúkdóm þegar í stað á þar til gerðum eyðublöðum félagsins, ef unnt er, en annars á annan hátt til bráðabirgða.

Þegar sjúkdóm eða slys ber að höndum er félaginu heimilt að láta trúnaðarlækni sinn skoða þann sem vátryggður er. Þegar læknishjálp lýkur eða þegar unnt er að dæma um afleiðingar slyssins eða sjúkdómsins skal senda félaginu læknisvottorð og bótakröfu.

## 13. gr. Vátryggingarfjárhæðir

Vátryggingarfjárhæðir eru samkvæmt samningi um vátrygginguna milli vátryggingartaka og félagsins.

## 14. gr. Gagnaöflun og greiðsla kostnaðar:

Félagið greiðir venjubundinn kostnað við öflun læknisvottorða, sem eru að mati félagsins nauðsynleg til afgreiðslu kröfu um bætur úr vátryggingunni. Í þessu felst, að félagið greiðir án sérstaks samþykkis fyrir hefðbundin læknisvottorð, svo sem áverkavottorð, einfalt vottorð um óvinnufærni og lokavottorð. Auk þessa greiðir félagið kostnað vegna annarra vottorða, sem félagið telur nauðsynleg og aflað er að beiðni þess eða með samþykki þess. Jafnframt greiðir félagið fyrir mat á örorku skv. skilmálum þessum, þó ekki ef bersýnilegt er að örorka nái ekki tilskildu lágmarki. Félagið greiðir ekki kostnað vegna lögmannaðstoðar né heldur annan kostnað sem stofnað er til vegna vátryggingaratburðar án samþykkis félagsins.

**15. gr. Greiðslur bóta**

Bætur greiðast innan 14 daga eftir að fullnægjandi sannanir hafa borist fyrir bótaskyldu félagsins og unnt er að ákveða upphæð bótanna.

Um vexti af bótafjárhæðum fer samkvæmt 123. gr. laga nr. 30/2004.

**16. gr. Lok vátryggingar gagnvart þátttakanda í hópi**

Hverfi vátryggður tímabundið úr hópnum vegna atvinnuleysis, verkfalls, verkbanns eða annarrar vinnustöðvunar eða vegna sjúkdóms eða slyss, er vátryggingin áfram í gildi að því tilskildu að iðgjald greiðist fyrir allan hópinn þetta tímabil enda sé vátryggður enn á launaskrá. Sama gildir um frí eða leyfi frá starfi í allt að sex mánuði.

**17. gr. Breytingar á skilmálum**

Félagið áskilur sér rétt til þess að breyta skilmálum og iðgjaldi vátryggingarinnar á vátryggingartímanum. Um slíkar breytingar fer samkvæmt reglum 133. gr. laga nr. 30/2004.

**18. gr. Réttur félagsins til uppsagnar á vátryggingartímanum**

Félagið getur sagt upp vátryggingunni, ef einhver eftirtalinna atvika eiga við:

1. ef gefnar hafa verið rangar eða ófullnægjandi upplýsingar um áhættuna, með 14 daga fyrirvara, sbr. 84. og 76. gr. laga nr. 30/2004;
2. ef vátryggingartaki hefur viðhaft svíksamlega háttsemi við upplýsingagjöf til félagsins um áhættuna, án fyrirvara, sbr. 84. og 76. gr. laga nr. 30/2004;
3. Ef vátryggður veitir af ásetningi rangar eða ófullnægjandi upplýsingar við uppgjör vátryggingarbóta, með viku fyrirvara, sbr. 47. gr. og 15. gr. eða 120. gr. og 76. gr. laga nr. 30/2004. Auk þess getur félagið í slíkum tilvikum sagt upp öllum vátryggingasamningum sínum við vátryggðan.
4. eftir að tjón hefur orðið, ef
  - a. vátryggður hefur valdið tjóninu af ásetningi;
  - b. vátryggður hefur brotið gegn varúðarreglum;
  - c. fjöldi tjóna á skömmum tíma er meiri en eðlilegt telst, t.d. 3 tjón á 12 mánuðum.

Uppsagnarfrestur í slíkum tilvikum er tveir mánuðir, sbr. 2. og 3. mgr. 76. gr. laga nr. 30/2004;

5. ef starfsemi vátryggðs breytist á vátryggingartímanum á þann hátt að:
  - a. félagið hefði ekki tekið að sér vátrygginguna ef hinar nýju aðstæður hefðu legið fyrir við töku vátryggingarinnar;
  - b. það hefur áhrif á möguleika félagsins til að endurtryggja áhættuna.

Uppsagnarfrestur í slíkum tilvikum er tveir mánuðir, sbr. 2. og 3. mgr. 76. gr. laga nr. 30/2004;

6. við ítrekaðar vanefndir á greiðslu iðgjalds. Uppsagnarfrestur í slíkum tilvikum er tveir mánuðir, sbr. 2. og 3. mgr. 76. gr. laga nr. 30/2004.

7. ef alvarlegur trúnaðarbrestur verður milli félagsins og vátryggingartaka.

Uppsagnarfrestur í slíkum tilvikum er tveir mánuðir, sbr. 1. og 2. mgr. 15. gr. eða 2. og 3. mgr. 76. gr. laga nr. 30/2004.

Um tilkynningaskyldu félagsins við lok vátryggingarinnar fer samkvæmt reglum 131. gr. laga nr. 30/2004.

**19. gr. Frestur til að tilkynna um tjón**

Vátryggður glatar rétti til bóta ef:

1. hann tilkynnir félaginu ekki um kröfu sína innan árs frá því að hann vissi um atvik sem hún er reist á;
2. hann hefur ekki höfðað mál eða krafist meðferðar málsins fyrir úrskurðarnefnd í vátryggingamálum innan árs frá því að hann fékk skriflega tilkynningu um að kröfu hans væri hafnað, sbr. 124. gr. laga nr. 30/2004.

## 20. gr. Fyrning

Kröfur um bætur úr vátryggingu þessari fynast samkvæmt reglum 125. gr. laga nr. 30/2004.

## 21. gr. Ágreiningur

Verði ágreiningur um vátrygginguna skal íslenskur dómstóll skera úr honum samkvæmt íslenskum lögum, nema annað leiði af þjóðréttarsamningi sem Ísland er bundið af.

Úrskurðarnefnd í vátryggingamálum sker úr ágreiningi um bótaskyldu, sök og sakarskiptingu auk ágreinings um atriði, er varða ákvæði laga nr. 30/2004 um vátryggingarsamninga.

Úrskurðarnefnd í vátryggingamálum er vistuð er hjá Fjármálaeftirlitinu og má nálgast upplýsingar og málskotseyðublað vegna nefndarinnar á vefsíðunum [www.fme.is](http://www.fme.is) og [www.sjova.is](http://www.sjova.is), auk fyllri upplýsinga um starfssvið og starfsháttu hennar.

Málsmeðferð fyrir úrskurðarnefnd í vátryggingamálum skerðir ekki rétt málskotsaðila til þess að leggja málið fyrir almenna dómstóla.

## 22. gr. Varnarþing

Varnarþing félagsins er Reykjavík. Mál sem kunna að rísa á hendur félaginu út af vátryggingu þessari, skulu rekin fyrir Héraðsdómi Reykjavíkur.

## 23. gr. Vernd persónuupplýsinga

Samkvæmt lögum um persónuvernd og meðferð persónuupplýsinga nr. 77/2000 á sá sem upplýsingar eru skráðar um rétt á að fá upplýsingar hjá félaginu um vinnslu persónuupplýsinga um sig auk þess sem hann á rétt á því að félagið leiðrétti rangar, villandi eða ófullkomnar upplýsingar.

Félagið notar þær persónuupplýsingar sem aflað er vegna vátryggingar þessarar aðeins við mat á vátryggingarbeiðnum, í því skyni að meta þörf á vátryggingavernd og veita vátryggingartaka ráðgjöf um val á vátryggingum, við afgreiðslu bótakrafna, upplýsingagjöf til vátryggingartaka og við aðra eðlilega starfsemi félagsins.

Félagið leggur ríka áherslu á öryggi og trúnað við meðferð persónuupplýsinga. Upplýsingar um viðskiptavini félagsins eru ekki afhentar þriðja manni nema samkvæmt skýru umboði, lögum eða dómsúrskurði

**Skilmálar þessir gilda frá 1. júlí 2015.**

[Efst á skjal](#)